

*Baptizatus Iesus vidit Spiritum Dei
venientem super se.*

✠ Lécctio sancti Evangélii
secúndum Matthæum

3, 13-17

In illo témpore:

¹³ Venit Iesus a Galilæa in Iordánem ad Ioánnem,
ut baptizarétur ab eo.

¹⁴ Ioánnes autem prohibébat eum dicens:
«Ego a te débeo baptizári,
et tu venis ad me?».

¹⁵ Respóndens autem Iesus dixit ei:
«Sine modo,
sic enim decet nos implére omnem iustítiam».
Tunc dimíttit eum.

¹⁶ Baptizátus autem Iesus,
conféstim ascéndit de aqua;
et ecce apérti sunt ei cæli,
et vidit Spíritum Dei
descendéntem sicut colúmbam
et veniéntem super se.

¹⁷ Et ecce vox de cælis dicens:
«Hic est Fílius meus diléctus,
in quo mihi complácuí».

Verbum Dómini.